


գաղտնի կամ յայտնի և արդէն հաշտուել են այդ դուռ-
թեան հետ. եթէ հաշուենք առանց ամուսնութեան կե-
նակցողներին, կալնակներին և կրկնայր ունեցողներին,
ինչպէս որ կարդում ենք Աշարատի սոյն համարի Տաճկա-
հայք կոչուած բաժնում, իրօք շատ ծանր և անմխիթար
պատկեր կը տանանք:

Որտեղ է չարեաց աւատը, Իսկապէս սէր կոչուած
ղգացմունքն է բոլորի առիթը, տնտեսական խնդիրներն են
արդեօք այս տխուր երևոյթներ բացատրելու միակ բա-
նալին, ինչպէս սովորենք լսել, կրթութիւնն ու ճաշակն են
նրանց առիթ տուողը, թէ ծանրութեան գլխաւոր կեդ-
րոնը պէտք է մի այլ տեղ որոնել:

Անշուշտ տնտեսական խնդիրները բաւականին մեծ
նշանակութիւն ունին, անշուշտ ազդում է թեթեւ և կշիռ
պաշտամունքով կենցաղավարութիւն քարոզող կեղեակը-
թութիւնը, բայց մեր կարծիքով ամենագլխաւոր պատ-
ճառն այն է, որ մեր անհոգութեան, տգիտութեան և
ծուլութեան շնորհիւ մարդկանցից ծածուկ է պահուում
ամուսնական կեանքի քրիստոնէական իդէալը և նրա վրայ
հիմնուած եկեղեցական ամուսնութեան ճշմարիտ պա-
հանջներն ու այդ խորհրդի ամենաէական և վեհ մասը:

Բայց ամուսնական խորհրդին, նրա վերաբերեալ
օրէնսդրութեան և Աւետարանի գծած իդէալին կը դառ-
նանք միւս անգամ:



ՄԱՅՐ ԱԹՈՌ

Համաձայն Վեհափառ Հայրապետի միջնորդութեան
Աստրախանի Թեմակալ առաջնորդ Գերապատիւ Տ. Արիս-
տակէս արքեպիսկոպոսին Բարձրագոյն թոյլատրուեց մեկ-
նիլ արտասահման բժշկուելու համար:

Թիֆլիզ մեկնեց Սինօզի անդամ Գերապատիւ Տ. Մակար եպիսկոպոսը տաճնէհինգօրեայ ժամանակաւ՝ իւր հիւանդութիւնը դարմանելու, որի առթիւ և հրաժարական ներկայացրեց Վեհափառ Հայրապետին Սինօզի անդամութիւնից։

Հիւանդութեան պատճառաւ հրաժարական ներկայացրեց նաև Սինօզի անդամ Տ. Մխիթար վարդապետը բժշկական վիճականի հետ, որև համաձայն օրինաց ուղարկուեց ուր անկն է։

Ս. Էջմիածին վերադարձաւ Հմայեակ վարդապետ Արշարունին, որ տաճնէհինգ օրեայ արձակուրդով գնացել էր Թիֆլիզ։

Վեհափառ Հայրապետի կողմից Թիֆլիզ ուղարկուեցին Սանահնի վանքի վանահայր Գարեգին եպիսկոպոս Սաթուհեան և դիւանապետ Կորիւն Վարդապետը հանգուցեալ Արգար Յովհաննիսեանի յուղարկուորութեանը մասնակցելու նորին ս. Օծութեան կողմից։

Նոյն նպատակաւ Թիֆլիզ մեկնեցաւ և Հայրապետական փոխանօրդ տ. Կարապետ վարդապետն Երևանի կողմից։ Այս առթից օգտուելով ճեմարանի ուսուցչական խումբը խնդրեց նրանից ներկայացուցիչ և թարգման լինել իւր զգացմունքների նաև Գէորգեան ճեմարանի կողմից։

Մայր աթոռ հասաւ Հին Նախիջևանի փոխանօրդ տ. Իսահակ վարդապետը և 15 օրեայ արձակուրդով մեկնեց Թիֆլիզ և հայրենիք։

Ամսոյս տաճն և ութին ս. Էջմիածնի մայր տաճարում նորին Վեհափառութեան և ամբողջ միաբանութեան ներկայութեամբ կատարուեց հոգեհանգիստ հանգուցեալ Արգար Յովհաննիսեանի, որի ժամանակ դամբանական խօսեց Եղիշէ վարդապետը։ Հոգեհանգստից յետոյ հանգուցեալի որդուն ուղարկուեց հետեւեալ հեռագիրը. — Այսօր Միւսիսէջ տաճարում ամբողջ միաբանութեան մասնակցութեամբ հոգեհանգիստ կատարուեց ձեր հանգուցեալ հօր համար։ Վեհափառ Հայրապետն օրհնում է

Հանգուցեալի յիշատակն և մաղթում՝ Արարչին ուղարկել մխիթարիչ ս. Հոգին՝ ձեզ հասած վիշտը սփռելու:

Հանգուցեալ Արքար Յովհաննիսեանի յուղարկաւորութեանը ներկայ գտնուելու համար Թիֆլիզ ուղարկուեց Երևանի թեմական դպրանոցի տեսուչ Տ. Գաբեգին վարդապետը, որպէս նոյն դպրանոցի ներկայացուցիչ:



ՆԵՐՍԷՍ ՀԻՆԴԵՐՈՐԴ ԿԱԹՈՒՂԻԿՈՍԻ ԿՈՆԴԱԿՆԵՐԸ

7. Ներսիսի գործողանոթիս Ար Օծոռմից յետ: աս. Կաթողիկոսը Թիֆլիզում: Ներսէսը իւր գործունէութեան լուազոյն տարիներն անցրել էր Թիֆլիզում: այդտեղ նա մաքառումներ էր ունեցել և փայլուն յաջողութիւններ ձեռք բերել, այդտեղ էր նրա ստեղծած և փայփայած ազգային եկեղեցական մեծ հաստատութիւնը, Ներսիսեան հոգևոր դպրանոցը, որը նա իւր կոնդակներից մէկում՝ ուղղած Մկրտիչ էմինին, մինչև անգամ համալսարան է կոչում: Քանի Ներսէսը Քիչինեումն էր, Թիֆլիզում միմիանց յաջորդել էին մի քանի առաջնորդներ, վերջինը Ախալցխայի Կարապետ եպիսկոպոսն էր: Ներսէսը հէնց որ կաթողիկոս օծուեց և վանքի ընթացիկ գործերը փոքր ինչ կարգի բերեց, լրացրեց Սինոդի անդամների թիւը, Ղուկաս եպիսկոպոսին կարգեց իրան տեղապահ և ինքը վերադարձաւ Թիֆլիզ:

Ծերացած և յոգնած ժամանակ եկեղեցական ծայրագոյն իշխանութիւն ձեռք բերած կաթողիկոսն այլևս անկարող էր աչքի ընկնող մեծ ծրագիրներ ունենալ: Եւ հէնց այն հանգամանքը, որ ամենից երկար Թիֆլիզումն էր մնում, ցոյց է տալիս, որ նրա ցանկութեան և գործունէութեան ծրագիրը կայանում էր նրանում՝ — չարունակել իւր առաջնորդութեան օրով սկսուած գործերը, և